

UNIVERSITI SAINS MALAYSIA

Peperiksaan Semester Kedua  
Sidang Akademik 2001/2002

Februari/Mac 2002

**HSM 213 – Dokumen-dokumen Dalam Sejarah Malaysia**

Masa : 3 jam

Sila pastikan bahawa kertas peperiksaan ini mengandungi **LAPAN [8]** soalan di dalam **DUA [2]** muka surat yang bercetak sebelum anda memulakan peperiksaan ini.

Jawab **EMPAT [4]** soalan sahaja. Semua soalan mempunyai nilai markah yang sama.

1. “Berbanding dengan laporan kerajaan Cina, *Sulalatus Salatin (Sejarah Melayu)* adalah kurang berguna untuk membentuk kronologi yang jelas mengenai pemerintah Melaka dan keadaan politik mengenai kebangkitan kerajaan Melaka.” Bincangkan pernyataan ini dengan merujuk kepada *Sulalatus Salatin* dan *Ming Shi-Lu*.
2. Apakah yang dapat kita pelajari mengenai kedaulatan undang-undang di Melaka daripada *Undang-Undang Melaka*?
3. Jelaskan institusi kerajaan Melayu seperti yang digambarkan dalam *Misa Melayu* dan *Tuhfat al-Nafis*.
4. Bincangkan peranan saudagar raja dalam sistem ekonomi dan politik Melayu pada kurun ke-18 dan awal kurun ke-19 dengan merujuk kepada sumber-sumber sezamannya.
5. “Pembina empayar Eropah tidak prihatin untuk memerhati perbezaan-perbezaan yang halus mengenai institusi politik Melayu apabila institusi itu mengakibatkan masalah kepada rancangan orang Eropah.” Bincangkan pernyataan ini dengan merujuk kepada surat-menyurat antara William Farquhar dengan para pemerintah Melayu yang berkaitan dengan peristiwa-peristiwa yang membawa kepada penubuhan Singapura.

6. “Abdullah bin Abdul Kadir merupakan pemerhati berdaya tajam yang sedar akan apa yang harus dilakukan oleh orang Melayu semasa perubahan sosio-ekonomi yang mendadak.” Kaji pernyataan ini dengan merujuk kepada perbincangan Abdullah bin Abdul Kadir mengenai masyarakat Melayu di Negeri-negeri Selat pada kurun ke-19.
7. Apakah perubahan-perubahan yang dapat anda perhatikan dalam pertumbuhan dan penyebaran kependudukan di Semenanjung Tanah Melayu dari 1880 hingga 1941 dan bagaimanakah ianya berkait dengan pembangunan ekonomi yang berlaku di seluruh semenanjung pada jangka masa tersebut? Bincangkan dengan merujuk kepada bukti daripada banci penduduk bagi tahun-tahun berkenaan.
8. “Pembunuhan En. Birch bukan merupakan pemberontakan terhadap pemerintahan penjajahan, tetapi akibat rungutan di kalangan para bangsawan Melayu.” Kaji pernyataan ini dengan merujuk kepada pembelaan diri Sultan Abdullah terhadap dakwaan mengenai persubahatannya dalam pembunuhan En. Birch.